

Premijera kratkog filma „Odgovornost“ posveta učiteljima i učiteljicama

Povodom Međunarodnog dana učitelja/ica, Homework HUB je premijerno prikazao kratki film „Odgovornost“, posvećen prosvjetnim radnicima koji su znanjem i hrabrošću oblikovali naše društvo. Pogledajte film: youtu.be/WbPVM1IFwYc



Cijeli film: <https://youtu.be/WbPVM1IFwYc?si=L688nKj2Zrnpu8aW>

Povodom Međunarodnog dana učitelja/ica, Homework HUB je s ponosom organizovao svečanu premijeru kratkog filma „Odgovornost“, nastalog kao naš iskreni doprinos obilježavanju ovog važnog datuma. Film je omaž generacijama prosvjetnih radnika i radnica koji su, svojim znanjem, posvećenošću i hrabrošću, oblikovali temelje našeg društva.

Uvodnim riječima prisutnima se obratila Senada Salihović, direktorica JU Institut za razvoj

preduniverzitetskog obrazovanja Kantona Sarajevo, koja je pružila podršku realizaciji filma i istakla da je obrazovanje najmoćniji alat za izgradnju pravednijeg i snažnijeg društva. Njene riječi bile su snažan podsjetnik da je odgovornost prema znanju zajednička misija svih nas.

Posebnu zahvalnost dugujemo Umjetničkoj galeriji BiH, koja nam je velikodušno ustupila svoj prostor. U ambijentu bogate kulturne baštine, događaj je poprimio dodatnu dubinu i simboliku, jer umjetnost i obrazovanje oduvijek idu ruku pod ruku u očuvanju vrijednosti i identiteta. Kao poseban trenutak večeri, prikazali smo isječak iz dokumentarnog filma „Pucajte, ja i dalje držim čas“ autorice Arijane Saračević Helać, realizovanog u saradnji s Uredništvom FTV. Zahvaljujemo autorici i FTV-u na podršci i ustupljenom materijalu.

Na ovaj način željeli smo se osvrnuti na ratni period kada je obrazovanje, uprkos svim nedaćama, bilo svjetionik nade i otpora. Učitelji i učiteljice su tada, često pod granatama i u improviziranim učionicama, nastavljali držati časove čuvajući kontinuitet znanja i dostojanstva, u najtežim trenucima naše historije.

Hvala svim učiteljima i učiteljicama, onima koji su bili uz nas kada je bilo najteže, i onima koji svakodnevno inspirišu nove generacije da uče, misle i mijenjaju svijet.

Tags

Poučavanje

Projekt

Intelektualni razvoj

Svijet oko nas

Cjeloživotno učenje

Collections

Obrazovne strategije

Učenje otkrivanjem

Projekt

Učenje učenja

Objava